

## Атлантическ блокд болджах кемклдән

США Англи хойрин правительствс Тунисд зер-зев өгх шиидвр батлдж авцхав. Эн зер-зев Северн Африкд—Алжирин газрин меджә деер бәәх Тунисд экләд ирджәнә. США Англи хойр французск правительствд меуулл уга им шиидвр батлдж авлгын — Северн Африкд, урднь Францин гарт бәәсн цуг позицияг американск империализм буладж эздж авхар кеджәх йовдл болджана. Эн шиидвр империалистическ лагерин хоорндк сөрлцлгьсиг ик гидгәр хурцдулв.

Тунисд англо-американск зер-зев зөбддж өглгын, Францин туст кеджәх „иньгллгьни биш ишкдл“ гидж Французск правительств хәләджәхиг пәрижск „Монд“ газет бичджәнә. Парижд североатлантическ дәәнә блокин парламентск сессий болв, эн сессиг нургьлдж США толгьалджана, тегәд Тунисд кеджәх англо-американск уулдвриг бурушалгьна темдг гидж францин делегац заседанә залиг үлдәдж гарв. „Эн сессийд хәләгдджәсн, атлантическ нии-

цлт хәәлгьнә дөнъ олхми“ гидг төр ода тус уга төр болдж гарв гилж французск делегацин толгьач герчлв. Североатлантическ блокд Францин тусд модьрун кевәр дөбгллгь гаргьад бәәцхәнә гидж „Комба“ газет заадж бичджәнә, французск барин кесг органс болн гардгч кесг улс североатлантическ блокас гархми гидж францин правительствиг дуудджана.

Североатлантическ блокд орлцачрин хоорнд Северн Африкин туск төрәр болджах кемклдән—дәәнә эн союз ямаран ицг уга үндсн деер токтагдсиль, „северо-атлантическ ниицлт“ гиснәннь йосн чинрнь ямаранинь ил үзүлдж меуулджәнә, эн „ниицлтин“ тускар империалистическ пропаганд кесг хәәкрлдсн бәәсми. Соединенн Штатд эн „ниицлт“, зугл НАТО-д орлцачриг США-н политикд орулдж авч, США-н сә хәәлгьнд олзлхин төлә кергтә бәәснь ода меуулджәнә.

В. ХАРЬКОВ

Редакторин орчд Б. Б. ДОРДЖАЕВ